



REPUBLIKA E KOSOVËS REPUBLIKA KOSOVA REPUBLIC OF KOSOVO
KËSHILLI PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

Planina / Datedur Punësi/Prodato Received/Delivered	07-04	2022	2	viti god year
Organ /Pjesa Organ /Jedinka Org /Unit	SKPM/SHCK	1960/2022		
Shtojta Prilog Appendix				
Sasia Kolicina Quantity			1/4	



Republika e Kosovës
Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOS

A.nr.168/2022

Këshilli i Pavarur Mbikëqyrës për Shërbimin Civil të Kosovës–Kolegji për Shqyrtimin dhe Vendosjen e Ankesave në përbërje nga: Arben Mehmeti –kryetar , Malsore Gashi Bajraktari, dhe Jeton Koca -anëtarë, si dhe Sabile Avdyli- Zyrtare e Lartë për Bashkëpunim Profesional në cilësinë e procesmbajtëses, ka shqyrtuar ankesën me numër A.nr.168/2022 të datës 25.02.2022 të parashtruar nga ankuesit

të cilët i përfaqëson me autorizim avokate

Prishtinë, kundër organit të punësimit Ministria e Financave, Punës dhe Transfereve, në çështjen juridike “kompensim material”, duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.1 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur më datën 07.04.2022, njëzëri mori këtë:

V E N D I M

Refuzohet si e pabazuar ankesa me numër A.nr.168/2022 e datës 25.02.2022 e parashtruar nga grup ankues

A r s y e t i m

Ankuesit dhe nëpunës civilë në Ministrinë e Financave Punës dhe Transfereve, nëpërmjet përfaqësueses së tyre me autorizim më datë 25.02.2022 kanë parashtruar ankesë në Këshillin e Pavarur Mbikëqyrës për Shërbimin Civil të Kosovës, kundër Ministrisë së Financave, Punës dhe Transfereve për mos zbatimin e Marrëveshjes së Përgjithshme Kolektive lidhur me kompensimin e shujtës ditore dhe pagës jubilarë.

Këshilli i Pavarur Mbikëqyrës për Shërbimin Civil të Kosovës bazuar në Rregulloren Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës (me tej Këshilli), më datë 03.03.2022 ka proceduar kërkesën për përgjigje në ankesë të ankuesve te organi i punësimit, ndërsa ky i fundit më datë 24.03.2022, ka dërguar përgjigje në ankesë së bashku me shkresat e lëndës.



Kolegji për Shqyrtimin e Ankesave ka administruar këto prova: Ankesën e datës 25.02.2022 me numër të protokollit 999/2022 të parashtruar nga ankuesit përmes përfaqësuesit ligjor në Këshillin e Pavarur Mbikëqyrës për Shërbim Civil të Kosovës; Dëftesë për pranimin e dërgesës e datës 09.02.2022; Kërkesë e datës 09.02.2022 për kompensimin e pagës jubilarë dhe shujtave ditore. Autorizimi i datës 21.04.2021 për Autorizim i datës 21.04.2021 për Autorizim i datës 21.04.2021 për Autorizimi i datës 21.04.2021; Autorizimi i datës 11.01.2022 për Përgjigje në ankesë e datës 24.03.2022 me numër protokollit 1577/2022 bashkë me shkresat e lëndës; paga jubilarë për e datës 21.08.2017; Akt emërimi i datës 01.04.2014 për Paga jubilarë për e datës 21.08.2017; Aktë emërimi i datës 01.04.2014 për Paga jubilarë për e datës 21.08.2017; Paga jubilarë për e datës 21.08.2017; Akt emërimi i datës 05.03.2015 për Akt emërimi i datës 01.04.2014; Paga jubilarë për e datës 21.08.2017 dhe Akt emërimi i datës 27.01.2017.

Kolegji për Shqyrtimin dhe Vendosjen e Ankesave pas shqyrtimit dhe analizimit të të gjitha provave të parashtruar nga palët, konstatoi se ankesa e ankuesve është *e pabazuar, sepse:*

Bazuar në shkresat e lëndës Kolegji ka gjetur se ankuesi sipas Akt emërimit të datës 01.04.2014 është i punësuar në Ministrinë e Punës tani Ministria e Financave, Punës dhe Transfereve, në pozitën Zyrtar për pensione të jashtme në Departamentin e pensioneve në Prishtinë, ankuesja sipas Akt emërimit të datës 01.04.2014 është e punësuar në Ministrinë e Punës në pozitën Zyrtar i Arkivit në Departamentin e Pensioneve në Prishtinë, ankuesi sipas Akt emërimit të datës 01.04.2014 i punësuar në Ministrinë e Punës në pozitën Zyrtar për pensione të jashtme në Departamentin e Pensioneve në Prishtinë; ankuesja sipas Akt emërimit 05.03.2015 e punësuar në Ministrinë e Punës në pozitën Zyrtare Ligjore në Departamentin Ligjor në Prishtinë dhe ankuesi sipas Akt emërimit të datës 27.01.2014 është i punësuar në Ministrinë e Punës në pozitën Menaxher i bazës së të dhënave për Shërbimin Civil në Departamentin e Politikave Sociale dhe Familjes në Prishtinë

Ankuesit me datë 10.02.2022 përmes përfaqësuesit të tyre më autorizim kanë parashtruar kërkesë tek Ministria e Financave, Punës dhe Transfereve për kompensimin e pagës jubilarë dhe shujtave ditore për periudhën nga data 09.02.2016 deri më 09.02.2022. Ndërsa me datë 22.02.2022, Njësia e Personelit të Ministrisë së Financave, Punës dhe Transfereve, nuk ofron përgjigje për ankuesit përveç shënimit në kërkesën e ankuesve *se kërkesa e ankuesve është adresuar gabimisht*, pas këtij njoftimi ankuesit më datë 25.02.2022 kanë parashtruar ankesë në Këshillin e Pavarur Mbikëqyrës për Shërbimin Civil të Kosovës, kundër Ministrisë së Financave Punës dhe Transfereve për mos zbatimin e Marrëveshjes së Përgjithshme Kolektive lidhur me kompensimin e shujtës ditore dhe pagës jubilarë.

Kolegji për Shqyrtimin dhe Vendosjen e Ankesave pas shqyrtimit të shkresave të lëndës të ofruara nga institucioni punëdhënës, ka konstatuar se ankuesit ju është kompensuar shpërblimi jubilar në muajin gusht 2017, dhe si rrjedhojë Kolegji konstaton se organi i punësimit ka vepruar në pajtim me dispozitat e Ligji Nr. 03/L-147 për Pagat e Nëpunësve Civilë respektivisht me nenin 22 paragrafi 2 nën



paragrafi 2.3 ku përcaktohet se: *“Nëpunësit civilë, kanë të drejtat në vijim: shpërblimi i përvjetorit (jubile)”* si dhe nenin 21 të Rregullores Nr.33/2012 për Shtesat në Pagë dhe Kompensime të Tjera të Nëpunësve Civilë ku përcaktohet se: *“Sipas Nenit 22 të Ligjit për Pagat e Nëpunësve Civilë, nëpunësve civilë, të cilët janë në marrëdhënie të vazhdueshme pune në Shërbimin Civil iu takon një shpërblim në vlerë prej 25% të pagës mesatare në Shërbimin Civil pas çdo dhjetë (10) vjetësh pune”*.

Lidhur me pretendimet ankimore të ankuesve se Ministria e Financave Punës dhe Transfereve nuk respekton Marrëveshjen e Përgjithshme Kolektive lidhur me kompensimin e shujtave dhe pagave jubilarë sipas nenit 52, 53 dhe 54 të Marrëveshjes së Përgjithshme Kolektive, Kolegji ka shqyrtuar bazën ligjore mbi të cilën janë ngritur pretendimet ankimore të ankuesve dhe si rrjedhojë ka konstatuar se Marrëveshja e Përgjithshme Kolektive e Kosovës (MPKK) e publikuar në Gazetën Zyrtare Nr.38/2014 të datës 18.06.2014 ka hyrë në fuqi më datë 01.01.2015 dhe e njëjta sipas nenit 90 paragrafi 4 të Ligjit Nr.03/L-212 të Punës, ka qenë e zbatueshme në periudhe jo me shumë se tri (3) vjet, respektivisht deri me datë 31.12.2017. Kolegji po ashtu ka konstatuar se Oda Ekonomike e Kosovës si Partner i barabartë në Këshillin Ekonomiko Social, dhe njëherit nënshkruese e MPKK-së, me datë 15.09.2017 është tërhequr nga zbatimi i MPKK-së, dhe rrjedhimisht ka pamundësuar zbatimin e Marrëveshjes së Përgjithshme Kolektive pas datës 31.12.2017, andaj mbi këtë bazë, pretendimi ankimor i ankuesve është i pabazuar ngase për të punësuarit në shërbimin civil e vetmja formë për kompensimin e shpërblimit të përvjetorit (jubile) është ajo e përcaktuar me nenin 22 paragrafi 2 nën paragrafi 2.3 të Ligji Nr. 03/L-147 për Pagat e Nëpunësve Civilë si dhe me nenin 21 të Rregullores Nr. 33/2012 për Shtesat në Pagë dhe Kompensime të Tjera të Nëpunësve Civilë.

Kolegji pas analizimit dhe vlerësimit të të gjitha shkresave të lëndës si dhe duke u bazuar nën nenin 18 paragrafi 1 nënparagrafi 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, si dhe neni 132 paragrafi 2 të Ligjit Nr.05/L-031 për Procedurën e Përgjithshme Administrative, vendosi si në dispozitiv të këtij Vendimi.

Vendimi hyn në fuqi në ditën e nënshkrimit nga Kryetari i Kolegjit.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë/Departamenti për Çështje Administrative brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda, A.nr.168/2022, datë 07.04.2022

Sabile AVDYLI

Sabile Avdyli

Zyrtare e Lartë për Bashkëpunim Profesional



Vendimi i dërgohet:

- ❖ Përfaqësueses së autorizuar të ankueseve, avokates
- ❖ Sekretarit të Përgjithshëm në Ministrinë e Financave Punës dhe Transfereve;
- ❖ Udhëheqësit të Personelit në Ministrinë e Punës dhe
- ❖ Arkivit të KPMSHCK-së